



Inatsisartuni ilaasortaq,  
Emanuel Nûko, Naleraq  
Maani/

**§ 37 naapertorlugu apeqquteqaammut nr. 150/2022-imut qernertartassanut tunngasumut akissuteqaat**

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimaputit, Ittoqqortoormiit, Qaanaaq, Upernavik aamma Qeqertarsuup Tunuanut qernertartassat pillugit. Apeqqutitit uanga suliassaqaarfigisannut akisassanngortinneqaarsimapput.

*1. Tasiilami eqqaanilu, Ittoqqortoormiini, Qaanaami, Upernavimmi aammalu Qeqertarsuup tunuani qilalugartassat qernertat amerlineqarnissaat pillugu naalakkersuisut qanoq isumaqarpat?*

**1-mut)** Naalakkersuisut Upernavimmi qilalukkanut qernertartassat ilaneqarnissaanut qinnuteqaammik tigusaqarnikuuvoq, aggustillu qaammataata aallartinnerani aalajangiiffigineqassaaq. Naalakkersuisut allani qilalukkanut qernertartassat ilaqqinnissaanut pilersaaruteqaanngillat.

Pisassiissutinik aalajangersaasoqassatillugu Naalakkersuisut isumalluutit piujuarnissaat kinguaassiortuarnissaallu, ileqquusumik uumassusilinnik misissuisut siunnersuinerat naapertorlugu eqqarsaatigilluagaasumik ukiullu qanoq ilinera eqqarsaatigalugu pissarsiffiunerpaasumik iluaquteqarniarnissaq, piniarnermik inuussutissarsiteqarnermi inuussutissarsiutinilu tamatumunnga attuumassuteqartuni aningaasaqarniarnikkut suliffissaqartitsiniarnikkullu isiginiagassat, inuussutissarsiornermi soqutigisat allat kiisalu innuttaasut sunngiffiminni sammisassaqaarnissamut pisariaqartitaat, piniartut atuisullu ilisimasaasa ilanngunneqarnissaat pingaartittarpaat.

*2. Pisassiisoqaraluarpat pisortanut allaffissornikkullu qanoq naleqassava?*

**2-mut)** Naalakkersuisut tassunga tunngasunik naatsorsuutininik pigisaqanngillat.

*3. Namminersorlutik ingerlatalinnut qanoq naleqassava?*

**3-mut)** Naalakkersuisut tassunga tunngasunik naatsorsuutininik pigisaqanngillat.

*4. Innuttaasunut allaffissornikkullu qanoq naleqassava?*

**4-mut)** Apeqqut 2-mut 3-mullu akissuteqaatit innersuussutigissavakka.

Inussiarnersumik inuulluaqqusillunga

Karl Tobiassen  
Aalisarnermut Piniarnermullu Naalakkersuisoq

Ulloq: 22-07-2022  
Suliap normua: 2022 - 14901  
Akt normu: 20705432

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl